

БӨЛІМ: МҰҚАҒАЛИ МАҚАТАЕВ / ӨЛЕҢДЕР

Жанарсыз адам келеді

ЖАРИЯЛАНДЫ
22.01.2023ТІРЕК СӨЗДЕР
Мұқағали МақатаевСІЛТЕМЕ
<https://bilimger.kz/129770/>

ЖАНАРСЫЗ АДАМ КЕЛЕДІ

Топсасы жұмыр тобылғы томсарып алып келеді,
Толайым мына тірлікті тобылғы таяқ көреді.
Толғанып жүрген бейбаққа,тобылғы таяқ тіл бітсе:
— Алдыңда ор бар, аяулым,бері жүр, бері! -дер еді
Көрінбей оған көктем түр,көрінбей нұр тұр себелеп,
Топ қыздар өтіп барады -топтанып ұшқан көбелек.
Жанарсыз адам келеді,аттай да алмай жақсылап,
Тозығы жеткен асфальтты,тобылғыменен шегелеп.
Іздейді көзін басынан,іздейді көзін аяқтан,
Іздейді көзін қолынан,іздейді көзін таяқтан.
Жанарсыз адам келеді...жанарлы бейқам тірліктен,
Жанарын даулап,дүниені таяқпен түртіп оятқан.
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.